

客語朗讀(四縣腔) 國中學生組 編號 11 號

《蹶山記》

放燄日，阿爸帶恩兜去仁山苗圃蹶山，這日个天氣盡好，天頂看得著白白个雲，揸青青个天；路脣開地盡多花，清涼个山風吹過來，還做得聽到鳥仔唱歌个聲音。忽然間，老弟停下來，看等樹頂个一隻鳥仔。佢拿起地泥下个一粒石頭，想愛搵該隻鳥仔，阿姆看著煞煞喊：「莫搵啦！佢在樹頂唱歌仔，你搵佢做麼个？」

老弟笑笑仔講：「佢想愛嚇佢，看佢搵到有準無，就一隻鳥仔定定，阿姆你莫恁緊張。」

阿姆行前去同佢講：「哎哉！你莫恁撩刁，就算係一隻鳥仔，佢也係一條命」你無聽過一首古詩講：「誰道群生性命微，一般骨肉一般皮；勤君莫打枝頭鳥，子在巢中望母歸。」你揸佢打傷了，對你有麼个好處？

阿爸拿一臺翕相機分老弟，講：「阿姆講个毋會著，恩兜來蹶山，假使聽毋著鳥仔唱歌个聲音，係毋係盡無意思？愛惜自家个性命，也愛尊重別人个性命，你中意這隻鳥仔，做得揸佢翕下，來無需要去傷害佢呀！」

阿姊企在脣項講：「係啦！總愛將心比心，你就會感覺萬物全係盡重要个，恩兜就揸鳥仔共下翕一張相紀念。」

阿姆笑等講：「你兜講話恁大聲，鳥仔早就飛走咧！」

大家臥頭一看，樹頂項正經一隻鳥仔都無地，舂著青青个葉仔搖啊搖，像在笑恩兜大戇仔。大家你看佢，佢看你，笑到喙擘擘。